

Termu Referénsia

Hakbit Kapasidade Feto, Juventudes no Ema ho Defisiénsia iha Prosesu Dezenvolvimentu Lokal

Naran Projektu: Haforsa Dezenvolvimentu Lokál Integradu Liu-husi Hari'i Kapasidade Autoridade Munisipius iha Timor-Leste.

Ajénsia: Programa Nasoins-Unidas ba Dezenvolvimentu (PNUD)

Períodu Servisu: Setembru 2022 to'o Dezembru 2022

Loron-hahú: 15 Setembru 2022

A. Antecedente:

Timor-Leste sosiedade ida ne'ebé rural no iha maioria (69%) husi ninia populaun ne'ebé mak daudauk hela iha area rural sira ho asesu limitadu ba iha prosesu governasaun no prestasaun servisu sira. Maske nune'e, iha progresu barak ne'ebé mak atinji-oná husi nasaun ida ne'e ho ninia esforsu dezde independénsia atu dezenvolveméntu ekonomia no hasa'e prestasaun servisu ba públíku no infraestrutura, iha dezafiu no oportunidade barak mak mosu iha oin. Problema ne'ebé kuaze afeta-liu ba komunidade rural mak ki'ak, esklusaun sosiál, dezempregu, asesu no disponibilidade husi servisu públíku sira no falta husi kapasidade. Sira ne'ebé mak parte husi grupu sosiál ne'ebé vulneravel liu mak ema-ho-defisiénsia, feto (liuliu, sobrevivente violénsia doméstika no inan-faluk sira), joventude, labarik, katuas-ferik no ema-ho-moras-mental, hasoru dezafiu sériu hodi asesu ba iha servisu báziku sira.

Tuir Avaliasaun Impaktu Sosiu-Ekonómiku ONU (SEIA) nian husi COVID-19, problema fundamental husi nasaun ida ne'e nian afeta liután husi pandemia. Problema sira ne'e mak inklui lacuna iha dezenvolvimentu entre ambiente rural no urbana; efeitu husi riscu klimátiku; no asesu ba edukasaun ne'ebé limitadu, servisu saúde, programa protesaun sosial no merkadoria. Iha estudu ne'e hetan katak uma-kain ne'ebé ki'ak-liu sinti tebes efeitu negative husi pandemia ne'e, sira ne'ebé hela iha munisipiu sira no sira ne'ebé ho nível aas ba riscu sosiál.

Dezde inisiu husi nasaun ne'e, desentralizasaun konsideradu nu'udar ferramentu útil ida atu promove nasaun ninia dezenvolvimentu. Iha progresu notável sira ne'ebé mak halo-oná iha area desentralizasaun inklui kriasun husi autoridade no administrasaun munisipiu sira, no estabelesimentu husi edifisiu dekonsentradu iha munisipiu hotu-hotu. Objetivu ikus husi desentralizasaun mak atu empodera komunidade lokál sira, liuliu sira ne'ebé mak vulneravel-liu no segment marjinalizadu husi sosiedade liu-husi garante sira-nia partisipasaun no halo sira-nia lian ema bele ronano mós fornese servisu eficiente ba populaun lokál sira.

Iha Setembru 2021, Prezidente Repúblika promulga-oná lei 2 importante kona-ba desentralizasaun nian: **Lei kona-ba Podér Lokál ba Desentralizasaun Administrativa, no Lei Eleisaun Municipal**. Lei kona-ba Podér Lokál iha kompeténsia iha seitór/ area temátiku 18 ba munisipiu sira, inklui saúde, edukasaun, rejistrasaun kadastru, agrikultura, kultura, no protesaun sivil. Lei ne'e difini Konsellu Municipal, Prezidente no Vise-Prezidente hanesan órgaun reprezentativu husi munisipiu nian no subliña sira-nia kompeténsia sira. Hanesan mós, Lei Eleisaun Municipal mensiona katak lista husi kandidatu sira, efetivu no suplente, ba membru asembleia konsellu tenke inklui pelumenus feto ida ba kadeira ida husi kandidatu nain-3, ho pena rejeisaun.

Lei kona-ba Podér Lokál ba Desentralizasaun Administrativa kombinada ho Lei Eleisaun Municipal marka pasu signifikativu ida iha reforma desentralizasaun iha nasaun ne'e. Tanba Lei Podér Lokál devolve-oná kompeténsia sira ne'ebé mak atu ezerse husi lideransa política ne'ebé mak eleitu lokalmente. Karik lei sira ne'e implementa ho susesu, sei iha poténsia la'ós de'it atu lori kona-ba hadi'a substansiál iha prestasaun servisu maibé mós sei asegura transparénsia no akuntabilidade iha nível lokál. Kondisaun ida husi implementasaun susesu husi lei sira ne'e mak atu iha lideransa ne'ebé mak efetivu no inkluzivu iha nível lokál.

PNUD implementa hela ninia projetu Haforsa Dezenvolvimentu Lokál Integradu liu-husi Harii Kapasidade Autoridade Munisipius iha Timor-Leste ne'ebé mak ko-finasiadu entre Uniaun Europeia no PNUD. Ninia objetivu espesíku mak atu fó apoiu ba prosesu dekonsentrasaun no desentralizasaun, lori governasaun, administrasaun pública no servisu sira besik-liu ba povo, feto no mane sira, no atu fó atensaun espesiál ba nesesidade no prioridade sira husi ema sira ne'ebé hela iha situasaun vulneravel. Ba efeitu ida ne'e mak, projetu iha objetivu atu promove feto no joventude sira-nia partisipasaun iha governasaun lokál iha kontestu enkuadramentu legál foun husi desentralizasaun nian. Atu kumpri objetivu sira iha leten mak projetu iha intensaun atu servisu ho organizasaun naun-governamental (ONG) no organizasaun sosiedade civil sira liu-husi implementasaun subsidiu valórkí'ik. Iha kestaun husi termu referénsia ne'e mak buka atu simu proposta sira husi ONG ka organizasaun sosiedade sivíl sira.

B. Objetivus no Kompeténsia Serbisus

Objetivu husi iniciativa ne'e mak atu hakbit kapasidade feto, joventudes nomos ema ho defisiénsia sira kona-ba prosesu dezenvolvimentu lokál liu-husi fornesimentu informasaun no formasaun ba lideransa nian iha konteudu prosesu dezenvolvimentu lokal. Kompeténsia husi projetu ne'e maka hanesan tuir mai ne'e:

- Identifikasi saun husi feto no joventude sira, inklui ema-ho-difisiénsia, ho poténsia ba lideransa nian iha prosesu governasaun no dezenvolvimentu lokál
- Dezenvolve perfil (tenki inkliu ema-ho-difisiénsia sira mósa) husi kandidatu sira ne'ebé selesionadu
- Fornese formasaun ba kandidatu sira inklui no la limita ho tópiku sira tuir mai:
 - Enkuadramentu nasional no mundiál kona-ba empoderamentu feto (CEDAW, SDGs, Konstituisaun RDTL nsst.)

- Empoderamentu feto, joventude no igualdade jéneru
 - Problema jéneru iha Timor-Leste enjerál (feto no estatística)
 - Modelu lideransa no meius hanesan lideransa ida ne'ebé susesu
 - Feto no joventude sira-nia partisipasaun iha prosesu governasaun
 - Governasaun lokál no lideransa feto no joventude
 - Inklusaun sosiál no la husik ema ida iha kotuk
 - Lei kona-ba Podér Lokál no Desentralizasaun Administrativa, Lei Eleisaun Munisipal.
 - Transparénsia no akuntabilidade
 - Governasaun lokál no prestasaun servisu
 - Dadus portal municipal,
- Submisaun relatóriu ba PNUD depois completa atividade formasaun sira

C. Metodolojia

- Formasaun ne'e sei fornese iha maneira partisipativu no inkluzivu liu-husi uzu ba apresentasaun, role-play, kuis, video no audio no diskusaun grupu.
- Partisipante sira mak joventude no feto inklui ema-ho-difisiénsia. (100% joventude husi ne'ebé 5% feto; husi total partisipante 2% ema-ho-difisiénsia).
- Rekursu ema bele husi instituisaun sira ka husi-liur ne'ebé kontrata nu'udar peritu.

D. Rezultadu Finál/ Entrega Prinsipál

Subvensaun ne'e fahe ba iha porsaun 2; nune'e, proposta sira tenke espesifika porsaun sira ne'ebé propoin ba. Porsaun sira mak agrupa husi munisipiu sira, no organizasaun rua mak sei selesionadu – ida ba porsaun ida. Haree iha Aneksu B ba detallu.

Iha porsaun ida-idak, ONG/organizasaun sosiedade sivil ne'ebé selesionadu sei hatama deliverable sira tuir-mai, no sei diskute tuir orden:

Rezultadus	Deskrisaun ba resultado implementasaun aktividades	Tempu/Prazu (tentative)
1.	Implementa formasaun ba loran-3 nian laran ba masimu partisipante ne'ebé selesionadu nain-30 (joventudes, feto no ema-ho-difisiensia) husi munisipiu ida-idak iha maneira reprezentativa no dezenvolvimentu ba perfil partisipante nian.	20 Otubru 2022
2.	Hatama relatóriu implementasaun husi formasaun nian ne'ebé mak sei inklui mós detallu husi partisipante sira, fotografia husi atividade no mós rezultadu husi avaliaun pré & Pós	20 Novembru 2022
3.	Relatóriu final ne'ebé tenke inklui apoiu ne'ebé fó-oná, lisau nne'ebé aprende husi implementasaun.	20 Dezembru 2023



E. Arranjamentu Institusionál

ONG ne'ebé selesionadu sei servisu iha supervizaun direta husi Jerente Projetu no sei diretamente responsavel atu hatama relatório ba deskobrimentu sira, progresu, problema no dezafiu sira. Sira sei servisu hamutuk ho funzionáriu projetu nian ne'ebé mak kolokadu iha munisipiu.

ONG sira sei iha responsabilidade másimu ba jestaun husi atividade hotu-hotu no assumi responsabilidade substantive, operasional, finaseiru no monitorizasaun sira. Kustu lojística (hahán, toba-fatin no transporte lokál) tenke inklui hanesan parte ida husi proposta financeiru. ONG sira presiza atu mantéin rejistru próprio husi resibu orijinal ba pagamentu husi sasán, servisu no kustu formasaun sira, kustu ba funzionamentu operasaun nsst ba kestaun auditoria nian.

F. Kriteria Selesaun

Kriteria	
Organizasaun	<ul style="list-style-type: none"> Disponibilidade husi dokumentu legal husi organizasaun nian ne'ebé emití husi Ministériu Justisa Iha mínimu esperiênsia tinan-2 ba asuntu empoderamentu feto no joventude sira Iha mínimu esperiênsia tinan-2 servisu iha nível munisipiu
Ekipa Projetu	<ul style="list-style-type: none"> Jerente projetu: Iha baxarelatu iha ekonomia, jestaun projetu, finansas ka area ne'ebé mak relevante; iha esperiênsia tinan-2 iha implementasaun atividade iha terrenu; iha koñesimentu servisu ho lian-Inglés Fasilitador formasaun sira (2): Iha baxarelatu ekonomia, estudo dezenvolvimentu, siënsia política ka iha area relevante; iha esperiênsia tinan 3 iha area empoderamentu feto no joventude.

G. Durasaun ba implementasaun proposta: Períodu ba implementasaun husi proposta mak ba fulan-3.

- Konteúdu no format husi proposta ba subvensaun: Formuláriu husi proposta subvensaun mak aneksu 1 husi TdR ne'e. Proposta ne'e sei prepara husi ONG sira no korespondénsia hotu-hotu sei hakerek iha lian Inglés ka Tetun. ONG ka organizasaun sosiedade sivil sira bele hatama de'it proposta ida.

Proposta sira hatama liu-husi email ba iha enderesu tuir-mai:

ONG ka organizasaun sosiedade sivil sira bele hatama sira-nia dokumentu ba Asistente Administrasaun & Finansas Sra. Delfina Sequeira Ferreira iha email: delfina.ferreira@undp.org

Ba informasaun liu-tán kona-ba proposta ne'e mak bele kontaktu ba Sr. Bernardino da Costa Pereira, Jestor Programa Dezenvolvimentu Lokal, PNUD, iha número telemovel: 77858887 email: bernardino.pereira@undp.org

H. Oráriu Pagamentu

Fundus ne'e sei selu ba iha benefisiária iha parsela 3 tuir atividade no persentajen sira ne'ebé indikadu iha tabela kraik.

Transferensia/pagamentu	Deskrisaun Atividade	% husi pagamentu
1.	Formasaun loron-3 ba másimu partisipante ne'ebé selesionadu hamutuk 30 (joventudes, feto no ema-ho-difisiénsia) iha munisipiu 3 no dezenvolvimentu perfil husi partisipante sira.	45%
2.	Formasaun loron-3 ba másimu partisipante ne'ebé selesionadu hamutuk 30 (joventude, feto no ema-ho-difisiénsia) iha munisipiu 3 no dezenvolvimentu perfil husi partisipante sira. Relatório kona-ba implementasaun husi formasaun ne'ebé mak sei mós inklui detallu husi partisipante, fotografia husi atividade.	45%
3.	Relatório final ne'ebé tenke inklui apoiu ne'ebé fó-ona, lisaun ne'ebé aprende husi implementasaun formasaun iha munisipiu neen.	10%

I. Aprezentasaun rekomentaun husi proposta ida

NGO ka organizasaun sosiedade civil ne'ebé mak interresadu ba servisu ne'e mak tenke hatama dokumentu sira tuir-mai atu hatudu sira-nia kualifikasiada:

Fornesidór servisu sira ne'ebé interesante tenke hatama dokumentu sira tuir-mai atu hatudu sira-nia kualifikasiada no kompatibilidade husi atribuisaun ne'e:

- a. Proposta ne'e tenke aneksu evidénsia legal sira ne'ebé mak ejize, inklui evidénsia husi rejistrasaun legal
- b. Perfil – Deskreve natureza husi negósiu nian, area espesializada, lisensa, sertifikasaun, akreditasaun;
- c. Rejistru – lista husi cliente sira ba servisu hanesan nu'udar ejize husi PNUD, indika deskrisaun husi ámbitu kontratu nian, durasaun kontratu, valór kontratu no referénsia husi kontaktu nian;
- d. CV husi pesoál sira ne'ebé mensiona iha Seksau E iha leten tenke hatama hamutuk ho proposta.



- e. Auto-Deklarasaun eskrita katak NGO ka organizasaun sosiedade civil ne'e laiha lista 1267/1989 husi Konsellu Seguransa ONU, Lista Divizaun Aprovisionamentu ONU ka lista suspensaun seluk ONU nian.
- f. Proposta finanseiru ne'ebé indika presu kontratu inkluzivu total, hamutuk ho detallu kustu, tuir formuláriu ne'ebé fornese.

J. Tempu/Prazu submisaun: Tempu/prazu ba submisaun husi proposta ne'e mak **15 Agostu 2022**.

G. Prosesu selesaun/ Komité Avaliasaun:

Proposta sira ne'e sei selesionadu tuir baze kompetitiva. Sei halo avaliasaun no aprova proposta hotu-hotu husi membru nain-3 husi painél ba selesaun nian. Painél ne'e sei hatama sira-nia minutus, rekomendasau no proposta kualifikadu sir aba iha komité diresaun projetu nian atu hetan aprovasaun.

Anunsiu husi ONG ne'ebé selesionadu: Proposta sira ne'ebé aprovadu sei anunsia, no organizasaun sira sei hetan kontaktu atu tuir hakat sira tuir-mai inklui finalizasaun no asinatura ba akordu.

Avaliasaun ba proposta:

Kriteria	Valór	Pezu
Organizasaun <ul style="list-style-type: none"> • Disponibilidade husi dokumentu legal husi organizasaun nian ne'ebé emitir husi Ministériu Justisa • Iha mínimu esperiénsia tinan-2 ba asuntu empoderamentu feto no joventude sira • Iha mínimu esperiénsia tinan-2 servisu iha nível munisipiu • Iha esperiénsia hodi hala'o atribuisaun hanesan. • Kapasidade jestaun finanseira (orsamentu, kontabilidade no relatório). • Karik iha deklarasaun finanseiru anuál. 	40	50%
Proposta tékniku <ul style="list-style-type: none"> • Propoin metodolojia, abordajen no planu implementasaun • Kompriensaun husi ámbitu servisu • Oráriu ba atividade • Prazu klaru no realístiku • Sukat rezultadu (kolesaun dadus, indikadór, kuadru rezultadu) • Planu ba relatório 	30	30%
Fucionáriu Projetu <ul style="list-style-type: none"> • Kualifikasiun no esperiénsia husi Jerente Projetu no Fasilitadór/ Kordenadór Projetu 	30	20%
Total	100	100%



K. Aprovasaun

TdR ida ne'e aprovadu husi: Sr. Bernardino Da Costa Pereira

Asinatura

DocuSigned by:

Bernardino Da Costa Pereira

65D99194DC5A410...

Pozisaun

Project Manager

Loron Asinatura

02-Aug-2022